

regds mi ned auf

Ia azoids so a Krieg wa guad fua mi.
Ia habds zum schießn und zoin deaf i a dafua.
Ois fua Friedn, fua des Recht und fua de Menschlichkeit,
so is da Sinn, de Pflicht de Notwendigkeit.
Sigst des ei?

Tod fua Öl, Tod fua Macht, Tod fua de Eitelkeit,
drah des hi drah des her, so grad wia eich des gfreid.
Schauds noch links und noch recht und so ganz ohne Gfühi,
is doch nua a Spaß a riesengross Spui.
Sigst des ei?

I drah mi voa eich um und geh noch Haus,
i muas aus dem ganzn Chaos jetzt moi raus.
Sads doch endlich stad, regds mi ned auf.

I drah mi voa eich um und geh noch Haus,
i muas aus dem ganzn Chaos jetzt moi raus.
Sads doch endlich stad, regds mi ned auf.

Ia azoids ia duads ois fua mi und brauchts mei Goid.
Zoin fua Land und fua Wert und ois auf da Woid,
wei de Bank is in Not und de Wirtschaft stockt.
Solidar dei Betrag, Rettungsschirm aufgestockt.
Sigst des ei?

Zoi Steuern für den Spaß weil i ind Arbeit gä,
fua mei Land und mei Erb und dass i ernt und säh.
Straßn de wern ned gflickt,
de Griechen wirds Goid zuagschickd.
Soi des jetzt ois sei, des sä ich gar ned ei.
Sigst des ei?

I drah mi voa eich um und geh noch Haus,
i muas aus dem ganzn Chaos jetzt moi raus.
Sads doch endlich stad, regds mi ned auf.